

Pol ndê bapia têḡ lau Galasia-ḡga Yom whê bapia dindéc sa-ḡga

Aposel Pol to bapia dindéc têḡ lau sêkêḡ whiḡ-ḡga naḡ sêḡbo gamenḡ Galesia-ḡga. Muḡ-ḡga inḡ dau kêsêlêḡ tòm malac ma hoc ḡawaê ḡayham asê têḡ lau Galesia-ḡga, dec lau sic hu sêkêḡ whiḡ Yisu (Apo 13:14–14:23).

Tiḡambu lau Israel-ḡga ḡatô sêhòc asê gôlôwac dabuḡ Galesia-ḡga, ma sêḡsôḡ lau sêkêḡ whiḡ Yisu-ḡga si gauc pi lêḡ sêti lau gitêḡ yêc Anötö anḡô-ḡga. ḡac lau naḡ sêsap lau Israel-ḡga si sakinḡ akwa dôḡ, ma sêkac lau Galesia-ḡga bu sêḡkuc pwac sêsê launḡac si ḡamlic ḡatô su-ḡga, ma sêsòc Moses ndê yomsu hoḡ ḡapu. ḡac sêsôm bu lau sêkêḡ whiḡ Yisu-ḡga naḡ lau Israel dom, naḡ bu sêkôm bocd-inanḡ dom, dec oc tòm dom bu Anötö kòc ḡac sa me lic ḡac bu lau gitêḡ. Ma lau dau sêpu Pol ma sêsôm bu inḡ aposel ḡandô dom, ḡahu bu inḡ kac lau gamenḡ apa-ḡga bu sêḡkuc Israel si sakinḡ akwa dom.

Tu dinaḡ-ḡga Pol to bapia dindéc tu bu whê dau sa bu inḡ aposel ḡandô, naḡ Yisu Kilisi lu Anötö sêḡyalinḡ inḡ sa (1:1), ma gêm mêtê tòm Yisu dau hoc asê têḡ inḡ (1:12). Ma inḡ bu puc lau sêkêḡ whiḡ-ḡga dôḡ bu sêsòc lau tasanḡ dinaḡ si yom ḡapu dom. Inḡ sôm bu ḡawaê ḡayham tigenḡ inḡ yom ḡandô, ma ḡawaê dau tòc asê tiawê bu lau sêti lau gitêḡ tu ḡac si sêkêḡ whiḡ-ḡga, ma tu sêḡkuc yomsu-ḡga lec dom. Yêc lôcwha 5 - 6 inḡ to yom ḡatô tu bu puc lau dôḡ bu sêkêḡ whiḡ ḡanḡa, sêsap mêtê atac whiḡ-ḡga

dôn, ma sêpiñ dau dôn ñapep. Lau nañ Ñalau Dabuñ gêm gôliñ ñac, nañ oc sêhu mêtê sac siñ, ma sêkôm mêtê ñayham eñ (5:16-26).

Pol ndê yom ñamata-ñga

¹⁻² Aô Pol, ma asidôwai nañ sêmbo sêwhiñ aô, ato bapia dindec têtñ Kilisi ndê gôlôwac dabuñ hoñ yêc gamenñ Galesia-ñga. Aô gati †apospel magoc ñamalac dañ kêyaliñ aô sa, me lau toñ dañ sêñkiñ aô bu wati aposel dom. Mba. Yisu Kilisi lu inñ Damba Anötö nañ uñ inñ sa akêñ lau batê-ñga, nañ dec sêñyaliñ aô sa ti sêñkiñ aô.

³ Mwasinñ ti yom malô têtñ mac akêñ yac neñ Damañ Anötö lu Pômdau Yisu Kilisi.

⁴ Yisu kêñ dau mbac ndu tu yac neñ sac-ñga, bu êngaho yac su yêc mêtê sac nañ gêm nom dindec ahuc. Lêñ dau Damañ Anötö gauc gêm tidôñ ma tac whiñ bu Yisu kôm ñandô sa.

⁵ Bocdinañ datoc Anötö ndê waê sa tôm têm sambob dandic ñawaê. Yomandô!

Pol kêñ puc lau bu sêñkuc ñawaê ñayham tigenñ

⁶ Tu Kilisi-ñga dec Anötö kêmwasiñ mac, ma kêgalêm mac sa ati inñ ndê lau. Magoc ñagahô eñ, mac ahu inñ ti ñawaê ñayham nañ aposel sem, nañ siñ, ma añkuc yom wakuc. Mac nem lêñ dinañ kôm aô gahêdaên.

⁷ Yom nañ mac añkuc, nañ yom ñandô dom. Mboe lau ñatô sêñsônñ mac nem gauc ma sêñsahê bu sêñsônñ ñawaê ñayham pi Kilisi whiñ.

⁸ Añgô su nañ! Yac dañ me añela undambê-ñga dañ, me asa bu têtñ mac meñ ma nem mêtê wakuc,

naŋ so mêtê naŋ muŋ-ŋga yac ahoc asê têt mac, naŋ oc tap Anötö ndê atac ŋandê sa.

⁹ Aêc! Yac asôm su, ma aö wasôm tiyham. Asa naŋ bu hoc mêtê asê têt mac naŋ so yac lau aposel mba mêtê naŋ mac akôc sa su, naŋ oc tap Anötö ndê atac ŋandê sa.

¹⁰ Mac gauc gêm sake? Aö gato yom dindec tu bu lau sêlic aö ŋayham ma sêmpin aö-ŋga, me tu bu Anötö lic aö ŋayham-ŋga? Anğô! Aö bu wakôm tu ŋamalac-ŋga, dec aö Kilisi ndê ŋgac akiŋ dom.

Pol whê sa bu in Anötö ndê aposel ŋandê

¹¹ O asidôwai, aö bu wawhê sa têt mac bu mêtê naŋ gahoc asê têt mac, naŋ ŋamalac si yom dom.

¹² Bu ŋamalac dan kêt têt aö me kêdôhôn aö dom, magoc Yisu Kilisi hoc asê têt aö.

¹³⁻¹⁴ Mac anğô aö ŋawaê su, dec anyalê bu muŋ-ŋga lê aö gam akiŋ Anötö kakuc lau Israel-ŋga si sakiŋ akwa. Aö gasa ŋac si lêŋ dau gahôc gêlêc ŋac si daêsam naŋ si yala gitôm aö neŋ. Ma gayêm daun su tu wanğuc abanğ Israel-ŋga si ŋagôlinğ. Ma mac anğô bu aö gakêŋ kisa ŋanğ têt Anötö ndê gôlôwac dabuŋ naŋ sêkêŋ whinğ Yisu, ma gakôm bu wasenğ ŋac su.

¹⁵ Magoc Anötö kêyalinğ aö sa gwananğ su, têt têm aö gambo dinanğ atac ŋalôm eŋ, ma tu inğ ndê lêŋ êmwasiŋ lau-ŋga dec kêgalêm aö sa bu wanem akiŋ inğ. Ma tinambu inğ gêlic ŋayham

¹⁶ bu hoc inğ ndê Atu Yisu asê têt aö, tu bu wasôm inğ ndê ŋawaê ŋayham asê têt lau naŋ lau Israel dom. Têt dinanğ aö gasôm yom gawhinğ lau ŋatô dom.

¹⁷ Ma aö gapi Jerusalem bu walic lau nañ sêti aposel sêmuñ aö, nañ dom. Mba. Aö gatêñ gameñ Arabia-nga ga, ma tiñambu gambu gatêñ malac Damaskas.

¹⁸ Aö gambo malac dinañ yala tö su, goc gapi Jerusalem ga bu walic Pita, ma gambo gawhiñ inñ tòm bêc 15.

¹⁹ Aö galic Pômdau asi Jems, magoc galic aposel ñatô dom.

²⁰ Aö wasôm yêc Anötö anğô-nga bu yom nañ kwahic dec gato, nañ yom tasanñ dom.

²¹ Tiñambu aö gatêñ gameñ Siria ma Silisia-nga ga.

²² Gôlôwac dabuñ gameñ Judia-nga nañ sêkêñ whiñ Kilisi, nañ sêlic aö anğôñ andô dom.

²³ Magoc sêngô ñawaê pi aö bocdec bu, “Ngac nañ muñ-nga kên kisa têtñ yac, kwahic dec kôm gwelenñ ma gêm mêtê pi lêtñ dakêñ whiñ-nga nañ muñ-nga inñ kôm bu señ su.”

²⁴ Bocdinañ sêmpiñ Anötö tu inñ gêm aö kwi-nga.

2

Lau aposel Jerusalem-nga sêkôc Pol sa

¹ Yala 14 giñga su goc gapi Jerusalem ga tiyham, ma gakôc Banabas lu Taitus sêwhiñ aö.

² Anötö dau hoc yom dañ asê têtñ aö ma kac aö, dec gapi Jerusalem ga têtñ ndoc dinañ. Ma ñawaê ñayham nañ gahoc asê têtñ ñlau gameñ apa-nga, nañ aö gawhê sa yêc Jerusalem. Aö gawhê sa têtñ lau hoñ dom, magoc gawhê sa têtñ lau sêkêñ whiñ-nga si lau bata. Aö gatec bu lau sêpu gwelenñ nañ gakôm, me sêsôm bu aö gakôm ñambwa, ma tu dinañ-nga dec gawhê dauñ sa têtñ ñac lau dau.

³ Nac sênyalê bu Taitus nan whin aö têtêm dinan, in ngac Grik-nga. Magoc sêkac yac bu asê in ndê namlic natô ênkuc lau Israel-nga si pwac nan dom.

⁴ Yom hon dinan hóc asê, nahu bu lau natô sênsau bu sêti yac mba asidôwai ma sêmen sêmbo sêwhin yac bu sêtip lêt ti sakin nan yac andôhôn têt lau gameŋ apa-nga. Yisu Kilisi kêgapwêc yac su yêc sakin yomsu-nga, magoc nac lau tasan dinan sêkôm bu sêkac yac kwi ma ankc lêt yomsu-nga tiyham atôm lau akin nambwa.

⁵ Tigeŋ yac alhac nannga ma asôc nac napu dan dom, nahu bu yac atac whin bu mac lau Galesia-nga anyalê yom nandô pi nawaeŋ nayham, ma asap dôŋ napan.

⁶ Aö kayalê bu Anötö toc namalac dan sa hóc gêlêc dan su dom. Tu dinan-nga dec gahêgo daun dom têt ndoc nan gawhê daun sa têt lau nan gôlôwac dabun Jerusalem-nga sêtoc sa sêti nac si lau bata. Ma nac sêsôm yom dan bu sêmatôc nawaeŋ nayham nan gam yêc lau apa si gameŋ, nan dom.

⁷ Mba! Nac sêlic bu Anötö kêŋ nawaeŋ nayham sip aö aman bu wahoc asê têt lau nan lau Israel dom, tôm in kêŋ sip Pita amba bu hoc asê têt lau Israel-nga.

⁸ Bu Anötö kêŋ naclai têt Pita ma kêyalin in sa ti lau Israel-nga si aposel, ma kêŋ naclai têt aö bocdinan, ma kêyalin aö sa gati lau gameŋ apa-nga si aposel.

⁹ Lau sêkêŋ whin-nga yêc Jerusalem sêtoc Jems, Pita ma Jon sa sêti nac si nagôlôn. Ma têt ndoc lau tô dinan sêlic bu aö gatap Anötö ndê mwasiŋ sa su, dec sêkam alu Banabas tu bu sêtôc asê bu nac sêkôc

alu ti alu mba yom sa. Ma ñac si ñalôm pitigen bu yac akôm gwelen ñawaê ñayham-nga awhin lau gamen apa-nga, ma ñac sêkôm sêwhin lau Israel-nga.

¹⁰ Ñac sêndac gên tigen, nañ bu yac gauc nem ñac si lau nañ sêpônda dau. Ma gên dau aö gauc gêm tidôn su bu wakôm.

Pol sôm Pita yêc malac Antiok

¹¹ Tinambu aö gambo malac Antiok, ma Pita men mbo malac dau whin. Magoc malô aö galic yêc awê bu in kôm gên dan, nañ so yom ñandô ñawaê ñayham-nga. Ma tu dinañ-nga dec aö gasôm yom sêmbalan-nga solop têt in.

¹² Bu têt ndoc in hôc asê Antiok tiwakuc, nañ in kôm mêtê solop. In ndöc ti gên gên whin lau sêkên whin-nga nañ lau Israel dom, dec tôc asê bu in hêgo dau tu Moses ndê yomsu-nga dom. Magoc tinambu lau Israel-nga ñatô nañ sem gwelen sêwhin Jems, nañ sêhôt asê malac Antiok. Pita kêyalê bu ñac sêsap Moses ndê yomsu dôñ ma ñac bu sêkac lau gamen apa-nga bu sêñkuc lau Israel-nga si t̄pwac sêsê laungac ñamlic ñatô su-nga. Tu dinañ-nga dec in töc dau ma kêdahin dau su yêc lau nañ lau Israel dom. In ndê lêt dau in lêt giso.

¹³ Ma lau sêkên whin-nga Israel-nga ñatô nañ sêmbo malac Antiok, nañ sêñkuc in ma sêsa lêt tasan dinañ sêwhin, e lêt dau hê Banabas kwi whin.

¹⁴ Têt ndoc aö galic bu ñac si mêtê dau so yom ñandô ñawaê ñayham-nga, dec gasôm yom têt Pita yêc ñac hon añgô-nga bocdec bu, “Am ñac Israel-nga, magoc têt ndoc am mwen hôc asê malac

Antiok, nanj am mbo whinj lau nanj lau Israel dom, ma hêgo daôm tu Israel-nga si yomsu-nga dom. Magoc malô am kac nem njalôm kwi ma kôm gitôm am gêlic Moses ndê yomsu gitôm gêñ atu, ma hu lau dau sinj ma mbo ahê ñac. Bocke? Kwahic dec am bu kac lau gamenj apa-nga bu sêsôc lau Israel-nga si ñagôlinj ñapu, a?”

Lêñ tigenj yêc bu dati lau gitênj, nanj dakênj whinj

¹⁵ Ma aô gasôm têtj Pita, “Yac lau Israel-nga êlêmê dasam lau gamenj apa-nga bu lau sac, bu ñac sêñkuc Moses ndê yomsu dom. Magoc hêclu neñ ñahu yêc lau gamenj apa-nga dom. Mba. Dinanji sêkôc hêclu dambo lau Israel-nga nanj dakôc Moses ndê yomsu, nanj njalôm.

¹⁶ Magoc yac tanjalê su bu ñamalac danj oc ti ñamalac gitênj yêc Anötö anjô-nga tu inj kêkuc lêñ yomsu-nga dom. Mba, oc tôm dom. Magoc tu ñamalac danj kêñ whinj Yisu Kilisi-nga, dec Anötö gêlic inj bu ñamalac gitênj. Señ tigenj dinanj gic lau honj ñawaê, yac lau Israel-nga, ma lau gamenj apa-nga boc-dinanj. Tanjkuc lêñ dakênj whinj Yisu Kilisi-nga tu bu dati lau gitênj tu lêñ dinanj-nga, ma tu tanjkuc lêñ yomsu-nga lec dom.”

¹⁷ Kwahic dec yac tanjkuc lêñ dakênj whinj Kilisi-nga tu bu dati lau gitênj-nga. Mboe lau ñatô oc sêsam yac bu lau sac tu yac tanjkuc lêñ yomsu-nga tiyham dom. Magoc yac oc dasôm sake? Lêñ dakênj whinj Kilisi-nga kêñ ñasawa têtj yac tu dakôm sac-nga, a? Aô wasôm, mba andô!

¹⁸ Munj-nga aô kasahê bu wati ñgac gitênj tu kakuc yomsu-nga, magoc kwahic dec gahu lêñ dau sinj su. Aô bu wambu wandi wasôc yomsu ñapu tiyham,

dec oc tôc gêñ tigen asê têñ aö, nañ bu aö ñgac kagili yomsu-ñga.

¹⁹ Bu sakin yomsu-ñga tôc asê têñ aö bu gawêkain sen wambac ndu-ñga, ma bocdinañ dec aö tañkwê lêñ yomsu-ñga bu nem aö sa tiyham lec dom. Yomandô. Aö gahu lêñ yomsu-ñga siñ, tu bu wanem akiñ Anötö tòm aneñ bêc hoñ wambo tañli-ñga. Anötö dau piñ aö dôñ gam damiñ Kilisi gitôm gambac ndu pi a gicso dau gawhiñ in.

²⁰ Ma kwahic dec aneñ ñahu gambo tañli-ñga sip aö daun dom, magoc gambo tañli tu Kilisi nañ tisa mbo tali tiyham ma mbo aneñ ñalôm nañ-ñga. Ma tòm bêc hoñ nañ wambo tañli wambo nom lec, nañ wasa lêñ tigen bocdec bu, wakêñ whiñ Anötö Atu nañ tac whiñ aö ma kêñ dau tu aö-ñga.

²¹ Aö galic Anötö ndê mwasin gitôm gêñ ñambwa dom. Mba. Ñahu bu ñamalac dañ gitôm dom bu ti ñamalac gitêñ tu in kêkuc yomsu-ñga. Bu bocdinañ, dec Kilisi ndê mbac ndu nañ oc ñahu mbasi.

3

Lêñ yomsu-ñga ma lêñ dakêñ whiñ-ñga

¹ O mac lau Galesia-ñga, mac lau gauc mba. Yac awê yom hoñ pi Yisu Kilisi sa yêc awê têñ mac, e tòm mac daôm tanôm alic in mbac ndu pi a gicso dau. Magoc asa dec meñ ma kêñsôn mac nem gauc?

² Aö bu wakêñ gêndac têñ mac pi yom tigen bocdec bu, mac añkuc yomsu dec Anötö kêñ Ñalau Dabuñ têñ mac, me mac akêñ whiñ ñawaê ñayham pi Kilisi, nañ mac añgô su, dec in kêñ Ñalau têñ mac?

3-4 Bocke ma kwahic dec mac nem gauc tisac? Têñ ndoc mac akêñ whiñ tiwakuc, nañ mac asa nem lêñ ti Nalau Dabuñ ndê ñaclai, ma ahu lêñ yomsu-nga siñ. Tu dinañ-nga lau nañ sêsap yomsu dôñ, nañ sêkêñ kisa mac. Tu sake-nga kwahic dec mac bu ambu asôc yomsu ñapu tiyham, ma gauc gêm bu Anötö oc kôc mac sa tu gêñ nañ mac daôm akôm tu añkuc yomsu-nga. Mac bu akôm bocdinañ, dec kisa atu nañ mac ahôc têtñ ñamata-nga, nañ ñahu mbasi.

⁵ Anğô! Anötö kêtñ ndê Nalau Dabuñ têtñ mac ma kôm gêtñ dalô daêsam yêc mac añôm-nga. In kôm gêtñ dau tu mac añkuc yomsu-nga, me tu mac akêñ whiñ yom pi Kilisi, nañ mac añğô su-nga?

⁶ Gauc nem Abraham. In kêtñ whiñ Anötö, ma tu dinañ-nga Anötö gêlic in bu ñgac gitêtñ.

⁷ Bocdinañ aňyalê bu lau hoñ nañ sêñkuc lêñ sêkêñ whiñ-nga, nañ Anötö gêlic ñac sêtôm Abraham ndê lau wakuc.

⁸ Yom nañ sêto yêc, nañ tôc asê gwanañ bu Anötö oc lic lau nañ lau Israel dom, nañ bu lau gitêtñ, tu ñac si sêkêñ whiñ-nga. Anötö sôm ñawaê ñayham dau asê têtñ Abraham gwanañ su bocdec bu:

Lau nom-nga hoñ oc sêtap aneñ mbec ñamwasiñ sa yêc am. *[Gen 12:3]*

⁹ Abraham kêtñ whiñ, dec tap Anötö ndê mbec ñamwasiñ sa. Ma bocdinañ lau hoñ nañ sêkêñ whiñ, nañ oc sêtap mbec dau ñamwasiñ sa sêwhiñ Abraham.

¹⁰ Magoc lau hoñ nañ gauc gêm bu ñac oc sêti lau gitêtñ tu sêñkuc yomsu-nga, nañ oc sêtap Anötö ndê tac ñandê sa, tôm yom dan nañ sêto yêc, nañ sôm bocdec bu:

Asa naŋ kêkuc yomsu hoŋ naŋ sêto sip buku yomsu-ŋga, naŋ ŋapep ma timala dom, naŋ oc tap Anötö ndê tac ŋandê sa. *[Diut 27:26]*

¹¹ Ma yom daŋ tiyham sêto yêc bocdec bu:

Lau gitêŋ oc sêndöc tali tu ŋac si sêkêŋ whiŋ-ŋga. *[Hab 2:4]*

Yom dau tôc asê tiawê bu ŋamalac daŋ oc ti ŋamalac gitêŋ yêc Anötö aŋgô-ŋga tu iŋ kêkuc yomsu-ŋga dom.

¹² Lêŋ yomsu-ŋga sôm bu ŋamalac naŋ tôm bu sa ndê lêŋ êŋkuc yomsu hoŋ ŋapep eŋ, naŋ oc ndöc tali. Magoc lêŋ yomsu-ŋga dinaŋ so lêŋ dakêŋ whiŋ-ŋga.

¹³ Asa naŋ takwê lêŋ yomsu-ŋga bu nem iŋ sa, naŋ gic waê bu tap Anötö ndê atac ŋandê sa. Magoc Kilisi kêgaho yac su yêc lêŋ datap atac ŋandê dinaŋ sa-ŋga. Iŋ dau hôc Anötö ndê atac ŋandê tu yac-ŋga, tôm yom naŋ sêto pi lau sac, naŋ yêc bocdec bu:

Lau hoŋ naŋ sêkêŋ ŋac sêŋgalêŋ a, naŋ dalic ŋac gitôm lau naŋ sêtap Anötö ndê tac ŋandê sa. *[Diut 21:23]*

¹⁴ Yisu Kilisi hôc ŋandê dinaŋ tu bu lau naŋ lau Israel dom, naŋ dec oc sêtap Abraham ndê mbec ŋamwasiŋ sa sêwhiŋ lau Israel-ŋga. Ma yac hoŋ oc dakôc Ŋalau Dabuŋ, naŋ Anötö gic bata su, naŋ sa tu yac neŋ dakêŋ whiŋ Yisu-ŋga.

Pwac yomsu-ŋga, ma pwac mwasiŋ-ŋga

¹⁵ O asidôwai, wanem dôhôn pi ŋamalac si lêŋ bu wawhê gêŋ dau sa. Pwac naŋ ŋamalac lu sêmatiŋ tidôn su, naŋ oc tôm dom bu ŋgac daŋ ndic têku, me seŋ su. Ma Anötö ndê pwac bocdinaŋ.

¹⁶ Iŋ gic bata yom têŋ Abraham ma sôm bocdec bu, “Aô oc wanem mbec am ti nem wakuc.” Yom

naŋ in̄ sôm pi Abraham ndê wakuc, naŋ hêganôŋ lau daêsam dom, magoc hêganôŋ Abraham ndê ŋgac wakuc tigen, naŋ Kilisi dau.

¹⁷ Aö wasôm têŋ mac bu Anötö gic bata yom dau têŋ Abraham muŋ su, ma tiŋambu yala 430 giŋga su, dec in̄ kêŋ ndê yomsu têŋ lau Israel-ŋga. Magoc yomsu dau seŋ pwac mwasiŋ-ŋga naŋ Anötö kêmatiŋ whiŋ Abraham, naŋ su dom.

¹⁸ Lau bu sêtap Anötö ndê mwasiŋ sa tu sêŋkuc yomsu-ŋga, naŋ dec lêŋ dau kêkuc yom naŋ Anötö gic bata têŋ Abraham, naŋ dom. Magoc bocdinaŋ dom. Bu Anötö gic bata yom têŋ Abraham ma sôm bu êmwasiŋ in̄ ŋambwa.

¹⁹ Bocdinaŋ Anötö kêŋ yomsu ŋahu bocke? In̄ kêŋ tu bu tôc ŋamalac si sac asê-ŋga, bu lhac e Abraham ndê wakuc naŋ Anötö gic bata yom pi in̄, naŋ hoc asê. Ma gêŋ daŋ tiyham. Aŋela sêkôc Anötö ndê yomsu ma sêkêŋ têŋ ŋgac ŋalhu-ŋga daŋ, naŋ Moses.

²⁰ Ŋgac ŋalhu-ŋga dau kôm gwelen̄ mbo Anötö ma lau Israel-ŋga ŋalhu ma kôc yomsu. Magoc pwac mwasiŋ-ŋga naŋ Anötö kêmatiŋ whiŋ Abraham, naŋ in̄ dau kêŋ solop têŋ in̄, ma ŋgac ŋalhu-ŋga mbasi.

Yomsu oc tôc yac neŋ sac asê, ma wê yac datêŋ Kilisi dandi

²¹ Bocdinaŋ wandac mac bocdec bu, yomsu seŋ mwasiŋ naŋ Anötö gic bata tidôŋ bu kêŋ têŋ Abraham naŋ su, me? Wasôm têŋ mac bu mba andô. Yac bu datôm bu datap seŋ dandöc taŋli-ŋga sa yêc yomsu, dec yomsu dau oc ti yac neŋ seŋ dati lau gitêŋ-ŋga.

²² Magoc oc tòm dom. Anötö ndê yom nanj sêto yêc, nanj whê sa bu lau nom-nga honj sêndöc gapocwalô sac-nga. Njalêñ dinanj mwasiñ nanj Anötö gic bata, nanj hêganônj lêñ dakêñ whiñ-nga, ma datap mwasiñ dau sa tu dakêñ whiñ Yisu Kilisi-nga.

²³ Muñ-nga, lêñ dakêñ whiñ-nga dinanj meñ sa tiawê su dom. Têñ têm dinanj yac dambo datôm lau gapocwalô-nga nanj yomsu sô yac dôñ, bu dambo bocdinañ e Anötö tôc lêñ dakêñ whiñ-nga asê tiawê.

²⁴ Anötö kêñ yomsu bu nem gôliñ yac ma tôc yac neñ sac asê, goc wê yac datêñ Kilisi dandi, bu datap lêñ dati lau gitêñ-nga sa tu yac neñ dakêñ whiñ in-nga.

²⁵ Ma kwahic dec lêñ dakêñ whiñ-nga meñ sa su, dec dambo yomsu ñapu tiyham dom.

Dati Anötö atuwêi ti ñgac

²⁶ Mac honj ati Anötö ndê balêkoc tu mac nem akêñ whiñ Yisu Kilisi-nga.

²⁷ Bu mac honj nanj aliñ busañgu, nanj gêñ dau piñ mac dôñ am damiñ Kilisi, tòm mac asôc in ti nem ñakwê.

²⁸ Ma Anötö kôc mac sa kêkuc mac nem ñahu nom-nga dom. Mba. Mac bu lau Israel-nga, me lau apa, lau akiñ ñambwa me lau nanj dau sêmbo si gêñ, lauwhê me launçac, tigenj añyalê bu Anötö kôc yac honj sa tu yac neñ dakêñ whiñ Yisu Kilisi-nga, nanj piñ yac honj dôñ dapitigenj.

²⁹ Ma mac lau asa nanj ati Kilisi ndê, nanj ati Abraham ndê lau wakuc bocdinañ, ma awêkainj mwasiñ nanj Anötö gic bata têñ Abraham.

4

¹ Aö wawhê gêñ dau sa têtñ mac bocdec bu. Balê nanñ damba gic bata bu kêtñ ndê wapa lêñsêm têtñ inñ, nanñ oc wêkainñ gêñ dau yomandô. Magoc damba bu mbac ndu têtñ ndoc inñ mbo balê, dec inñ oc kôc wapa dau sep dom, ma inñ oc mbo gitôm damba ndê ñgac akiñ ñambwa danñ.

² Ma lau ñatô oc sêyob inñ ti ndê wapa lêñsêm e inñ ndê yala gitôm nanñ damba sôm tidônñ gwananñ su.

³ Ma yac bocdinanñ. Muñ-ñga yac dakêtñ whinñ su dom, nanñ dambo datôm balêkoc saunñ, ma datôm lau akiñ ñambwa nanñ dambo yomsu ti ñagôlinñ nom-ñga ñapu.

⁴ Magoc têtñ ndoc nanñ Anötö sôm gwananñ su, nanñ meñ sa, goc inñ kêtñ ndê Atunñgac meñ mbo nom. Inñ dinda kôc inñ ti ñamalac nom-ñga nanñ mbo yomsu ñapu,

⁵ bu êñgapwêc yac lau nanñ dambo yomsu ñapu, nanñ su, ma yac dati Anötö ndê balêkoc.

⁶ Ma Anötö kêtñ ndê Atu ndê Ñalau sip yac honñ neñ ñalôm, dec tôte asê bu mac lau gameñ apa-ñga ati Anötö ndê balêkoc awhinñ yac lau Israel-ñga. Ma Ñalau dau gêm yac sa dec data Anötö ti atac pa su, ma dasam inñ bu, “Damanñ, Damanñ.”

⁷ Bocdinanñ kwahic dec yac lau akiñ tiyham dom, magoc yac Anötö ndê balêkoc solop. Ma yac dati Anötö ndê balêkoc, dec dawêkainñ gêñ lêñsêm nanñ gic waê inñ ndê balêkoc.

Pol ñalôm ñawapac tu lau Galesia-ñga

⁸ Muñ-ñga mac am gauc Anötö, ma am akiñ gêñ nom-ñga ñambwa nanñ Anötö ñandô dom.

⁹ Magoc kwahic dec mac an̄yalê Anötö, ma gêñ atu dan̄ whiñ bocdec bu, Anötö dau kêyalê mac su. Ma bocke dec mac bu akac daôm kwi, ma ambu andi asôc yomsu ñapu, dec ambo atôm lau akiñ tiyham? Bu yomsu hon̄, nan̄ ñagôlin̄ nom-ñga ñambwa nan̄ ña-ñaclai ti ñandô mbasi.

¹⁰ Tu sake-ñga mac bu an̄kuc ñagôlin̄ ñambwa nan̄ hêganôn̄ bêc ti ayô, ma yala ti têm ñatô?

¹¹ Aô gatôc dauñ tu mac-ñga bu mboe gwelen̄ nan̄ aô gakôm têt̄ mac, nan̄ oc ñandô mbasi.

¹² O asidôwai. Muñ-ñga mac lau apa ambo yomsu ñapu dom, ma aô gahu lêt̄ yomsu-ñga siñ tu bu wambo watôm mac. Magoc kwahic dec lau ñatô sêñsau mac, dec mac ambo atôm lau akiñ tiyham tu yomsu-ñga. Bocdinañ dec wateñ mac bu ahu lêt̄ dinañ siñ ma ambo atôm aô. Ma alic aô ñayham tôm muñ-ñga nan̄ aô gambo gawhiñ mac, nan̄ mac akôm aô sac dom.

¹³ Têt̄ têm dinañ gêmbac kôm aô, dec gambo teñ gawhiñ mac, ma gahoc ñawaê ñayham asê têt̄ mac. Mac an̄yalê gêt̄ dau su.

¹⁴ Aneñ gêmbac dau kêñ ñawapac têt̄ mac bu ayob aô, magoc mac apu aô me alic aô sac dom. Mba. Mac akôc aô sa gitôm Anötö ndê an̄ela dan̄, me tôm mac akôc Yisu Kilisi dau sa.

¹⁵ Têt̄ ndoc dinañ mac atac whiñ bu anem aô sa êñlêc, e tôm mac bu akip nem tanôm ñakôp sa ma akêt̄ têt̄ aô. Yomandô. Magoc kwahic dec mac nem atac ñayham tu aô-ñga giñga su.

¹⁶ Bocke? Tu aô gasôm yom ñandô asê têt̄ mac-ñga, dec kwahic mac alic aô tôm nem ñacyo, a?

¹⁷ Ñac lau tasan̄ dinañ sêkôm ñan̄ga bu sêkac mac kwi asôc yomsu ñapu tiyham. Magoc sêkôm tu mac

atap nandô n̄ayham dan sa-nga dom. N̄ac atac whiñ bu mac ahu aõ siñ ma akêñ daôm sambuc tu añkuc n̄ac-nga.

¹⁸ Inj lêñ n̄ayham bu mac akêñ daôm sambuc tu bu akôm gêñ nan̄ n̄ahu n̄ayham yêc. Ma aõ bu wambo wawhiñ mac, me aõ bu wambo dom, magoc akôm bocdinañ n̄apañ.

¹⁹ O aneñ balêkoc awhê ma ngac. Kwahic dec aõ kasahê n̄andê atu tiyham tu mac-nga, gitôm awhê nan̄ balêkoc tun̄ inj. N̄ahu bu aõ tac whiñ ndu andô bu Kilisi ndê yom tidôñ yêc mac nem n̄alôm, e andi atôm inj dau.

²⁰ Aõ neñ n̄alôm n̄awapac atu tu mac-nga, ma señ dan̄ bu h̄oc pi aõ, dec aõ atac whiñ kêlêc bu wambo wawhiñ mac, ma wasôm yom n̄ayham-n̄ayham têt̄ñ mac, ô yom n̄an̄ga nan̄ kwahic dec gato têt̄ñ mac.

Sara lu Haga sêti n̄adôhôn̄

²¹ Mac lau nan̄ atac whiñ bu ambo yomsu n̄apu, aõ bu wandac mac bocdec bu. Mac añyalê señ nan̄ yomsu bu wê mac atêt̄ñ andi, me mba?

²² Gauc nem yom nan̄ sêto yêc pi balêkoc ngac lu nan̄ Abraham kwê asê. Balê dan̄ dinda Haga inj awhê akiñ n̄ambwa, ma balê dan̄ dinda Sara inj awhê akiñ dom, inj Abraham nawhê solop.

²³ Haga kôc balêkoc kêkuc n̄amalac nom-nga si lêñ n̄ambwa. Magoc Sara kôc balêkoc kêkuc yom nan̄ Anötö gic bata têt̄ñ Abraham.

²⁴⁻²⁵ Gêñ dau inj gitôm yom gôliñ dan̄, bu awhê lu dinañ sêti pwac lu n̄adôhôn̄. Haga ti dôhôn̄ pwac akwa yomsu-nga nan̄ Anötö kêmatin̄ yêc Lôc †Sainai yêc gameñ Arabia-nga. Ma balêkoc pwac dinañ-nga sêti lau akiñ n̄ambwa tôm Haga. Ma

Haga ti dôhôn malac Jerusalem têm dindec-nga, bu malac dau ti ndê lau sêmbo sêtôm lau akiñ nambwa bocdinañ.

²⁶ Magoc Sara ti dôhôn malac Jerusalem wakuc nañ yêc undambê, ma inñ gitôm yac neñ dinañ nandô nañ awhê akiñ nambwa dom.

²⁷ Bu sêto yom dañ yêc bocdec bu:

Am awhê gapoc nañ kôc balêkoc dom, atac ñayham sa. Am nañ kêsahê balêkoc tun am dom, nañ mbwêc ti atac ñayham. Bu kwahic dec am mbo gitôm awhê nañ balêkoc mba, magoc tinambu am oc tap nem balêkoc sa hôc gêlêc awhê nañ gêm ñgac sa, nañ su.* [Ais 54:1]

²⁸ Aneñ asidôwai. Tu Kilisi-nga dec mac ati balêkoc pwac mwasin-nga gitôm Aisak, balêkoc nañ hôc asê kêkuc yom nañ Anötö gic bata têt Abraham.

²⁹ Muñ-nga Ismael, balêkoc nañ hôc asê kêkuc ñamalac si lêt, nañ kêt kisa Aisak, nañ hôc asê ña Njalau Dabuñ ndê ñaclai. Ma kwahic dec mac añsahê kisa ñalêt kain tigen yêc lau nañ sêsap lêt yomsu-nga dôñ.

³⁰ Magoc gauc nem yom nañ sêto yêc bocdec bu:

* **4:27:** Aisaya to yom dau pi malac Jerusalem têt ndoc ñacyo sêñgaho lau Israel-nga su ma sêkôc ñac sa si sêndôc gameñ Babilon-nga gitôm lau gapocwalô-nga. Aisaya gêlic bu malac dau tigan, dec gêm dôhôn pi awhê gapoc. Pol kôc Aisaya ndê yom ma to sip inñ ndê bapia têt lau Galesia-nga bu whê yom nañ inñ to pi malac Jerusalem lu, nañ sa. Yom pi awhê nañ gêm ñgac sa su, nañ hêganôn lau Israel-nga ma malac Jerusalem akwa. Ma yom pi awhê gapoc nañ oc tap balêkoc daêsam sa, nañ hêganôn lau sêkêt whin Yisu-nga nañ oc sêndôc malac Jerusalem wakuc.

Kêñ awhê akiñ lu in atunḡac sêlhö sêndi, bu awhê akiñ ndê balê dau oc wêkaiñ wapa lêñsêm ñatô whiñ ñadawê ndê atunḡac dom. *[Gen 21:10]*

³¹ Bocdinañ asidôwai, akôc gauc ñaḡga bocdec bu. Yac awhê akiñ Haga ndê balêkoc dom, magoc yac ñadawê Sara ndê balêkoc solop.

5

Dasap lêñ dakêñ whiñ-ḡga dôñ, bu Kilisi kêḡapwêc yac su yêc lêñ yomsu-ḡga

¹ Kilisi kêḡapwêc yac su dec dambo datôm lau akiñ ñambwa tiyham dom. Bocdinañ alhac ñaḡga, ma ayob daôm bu wapac lêñ yomsu-ḡga êñḡwiniñ mac e ati lau akiñ tiyham dom.

² Aô Pol wasôm têñ mac bu asa nañ gauc gêm bu ti ḡac gitêñ tu in kêkuc yomsu sêsê launḡac ñamlic ñatô su-ḡga, nañ Kilisi gitôm dom bu oc nem in sa.

³ Aô wasôm tiyham têñ mac, bu asa nañ sôc yomsu tigeñ dinañ ñapu, nañ êñkuc yomsu hon bocdinañ ndic ñawaê.

⁴ Mac lau nañ gauc gêm bu ati lau gitêñ tu aḡkuc yomsu-ḡga, nañ akac daôm su yêc Kilisi ma yêc Anötö ndê mwasinḡ.

⁵ Nahu bu Anötö gêlic yac tôm lau gitêñ tu yac neñ dakêñ whiñ-ḡga. Ma Nalau Dabuñ puc yac dôñ bu dahôn ti dakêñ batanḡ gêñ dau ña-ñandô.

⁶ Bu yac lau nañ dati Yisu Kilisi ndê, nañ tanjalê bu lêñ yomsu-ḡga dan oc nem yac sa ñandô dom. Nac bu sêsê yac ñamlic ñatô su, me sêsê yac dom, nañ dalic tôm gêñ ñambwa. Gêñ tigeñ yac dalic bu gêñ atu, nañ dakêñ whiñ Kilisi. Ma yac neñ mêtê

atac whiŋ neŋ asidôwai-ŋga tôc yac neŋ dakêŋ whiŋ asê.

⁷ Muŋ-ŋga lê, mac asa nem lêŋ akêŋ whiŋ-ŋga ŋapep eŋ, atôm lau naŋ sênti ŋaŋga. Tigenŋ asa kalhac mac ahuc e ahu yom ŋandô siŋ?

⁸ Lau naŋ sêlhac mac ahuc, naŋ sêmeŋ akêŋ Anötö naŋ kêgalêm mac sa, naŋ ndê dom.

⁹ Ayob daôm ŋapep têŋ lau kaiŋ dinaŋ, bu yom naŋ ŋac sêndôhôn, naŋ gitôm yist naŋ sêkêŋ sip bolom ŋalôm ma kôm gwelenŋ malô-malô e gêm bolom sambuc ahuc.

¹⁰ Tu Kilisi piŋ yac hoŋ dôŋ-ŋga, dec gakêŋ whiŋ bu mac oc akôc aneŋ yom dindec sa, ma atec yom bambaliŋ hoŋ. Ma asa naŋ bu lhac mac ahuc ma êŋsônŋ mac nem gauc, naŋ oc tap iŋ ndê gwelenŋ dau ŋagêyô sa.

¹¹ O asidôwai, lau ŋatô sêŋgôliŋ yom pi aö ma sêsôm bu aö gam mêtê ma gapuc yomsu sêsê ŋamlic ŋatô su-ŋga dôŋ. Anŋô su naŋ. Aö bu wapuc yomsu dau dôŋ, dec tu sake-ŋga lau Israel-ŋga naŋ sêsap yomsu dôŋ, naŋ sêkêŋ kisa aö? Ma aö bu wapuc yomsu dau dôŋ, dec yom naŋ yac ahoc asê pi Yisu ndê mbac ndu pi a gicso dau, naŋ dec oc wakôm nditôm yom ŋambwa. Yom pi Yisu ndê mbac ndu, naŋ gitôm hoc naŋ lau Israel-ŋga daêsam sêtiŋ gahi pi-ŋga.

¹² Oc ŋayham bu lau naŋ sêŋgili mac bu aŋkuc yomsu sêsê ŋamlic ŋatô su-ŋga, naŋ sêtim dandi ŋamlic sambuc kic-kic.

¹³ O aneŋ asidôwai. Anötö kêgalêm mac sa bu ambo atôm lau akiŋ yomsu-ŋga dom. Tigenŋ iŋ ndê galem dinaŋ kêŋ ŋasawa têŋ mac bu akôm sac tôm

ŋalôm akwa kêngilí mac dom. Mba! Anem akiŋ asidôwai ti aŋkuc mêtê atac whiŋ-ŋga.

¹⁴ Bu yomsu hoŋ sôc yomsu tigen ŋapu, naŋ yêc bocdec bu, “*Am atac whiŋ lau meŋpaŋ am, gitôm am atac whiŋ daôm.*”

¹⁵ Magoc mac bu alic daôm sac-sac me awê daôm kôc-kôc, dec lêŋ dinaŋ gitôm bu oc seŋ mac su andiŋam.

Lêŋ nom-ŋga, ma Nalau Dabuŋ ndê lêŋ

¹⁶ Bocdinaŋ wasôm têŋ mac bu asa nem lêŋ tôm Nalau Dabuŋ gêm gôliŋ mac, dec oc tôm dom bu akôm mêtê ŋalôm akwa-ŋga ŋandô sa.

¹⁷ Bu mêtê naŋ mac nem ŋalôm akwa bu êŋgilí mac bu akôm, ma mêtê naŋ Nalau tac whiŋ bu mac akôm, naŋ sêtôm dau dom. Nahu bu mac nem ŋalôm akwa ma Nalau Dabuŋ sic siŋ têŋ dandi, tu bu sênem gôliŋ mac-ŋga. Tu dinaŋ-ŋga dec mac atôm dom bu akôm tôm mac daôm atac whiŋ. Mac oc aŋkuc ŋalôm akwa ndê ŋagôliŋ, me Nalau Dabuŋ oc nem gôliŋ mac.

¹⁸ Magoc Nalau bu nem gôliŋ mac, dec mac ambo yomsu ŋapu tiyham dom.

¹⁹ Lau naŋ ŋalôm akwa gêm gôliŋ ŋac, naŋ si mêtê sac-sac tôc dau yêc awê. Nac sêkôm mêtê mockain-ŋga, mêtê ŋadômbwi, ma mêtê atac ŋagalac-ŋga.

²⁰ Nac sem akiŋ anötö tasan, sêpec balô, sêkêŋ kisa lau, sêŋgilí siŋ, tagatu gêŋ, ŋac lau atac ŋandê-ŋga, ma sêpo dau sa hôc gêlêc. Nac si lêŋ kôm lau sêlic dau sac-sac e sêwhê dau kôc.

²¹ Nac sem lêmuŋ lau ŋatô si gêŋ, ma êlêmê seŋ asam ti sênom gêŋ êŋiŋ ŋac-ŋga, ma sêkôm mêtê sac tidau-tidau bocdinaŋ. Aö wakêŋ puc mac, tôm

gakêñ puc mac su, bu lau nañ sêsa lêñ kainñ dinañ, nañ oc sêwêkainñ si mala yêc Anötö ndê gameñ undambê-nga dom andô.

²² Magoc lau nañ Nalau Dabuñ gêm gôliñ ñac, nañ sêsa lêñ bocdec bu. Ñac atac whiñ lau, sêmbo ti atac ñayham, ma sêsa si lêñ ti yom malô, sêkôc si ñalôm dôñ pi lêñ agwa-agwa hoñ, ñac tawalô lau, sêkôm mêtê ñayham eñ, ma gwelenñ bocke nañ sêsôm bu sêkôm, nañ sêkôm ñandô sa.

²³ Ñac sêtoc dau sa dom, ma sêtimêtê dau ñapep. Mêtê kainñ dinañ so yomsu dañ dom.

²⁴ Ma yac lau nañ dati Yisu Kilisi ndê, nañ dahu mêtê atac ñagalac-nga ti mêtê sac hoñ nañ meñ akêñ ñalôm akwa, nañ siñ, tôm yac tac ñalôm akwa ndu pi a gicso dau gi.

²⁵ Yac oc dandôc tanli tu Nalau Dabuñ ndê gwelenñ-nga, dec dakêñ Nalau ti gôliñ yac neñ lêñ hoñ.

²⁶ Datoc dañ sa dom, ma danem lêmurñ asidôwai ti dali ñac ñalôm sa dom.

6

Lêñ ñayham ñatô

¹ O asidôwai, mac bu anyalê bu mac nem dañ kôm sac, dec mac lau nañ Nalau Dabuñ gêm gwelenñ ña nga yêc nem ñalôm, nañ añsahê bu anem iñ sa. Akôm lêñ malô eñ têñ iñ, e iñ nem dau kwi ma sa Pômdau ndê lêñ tiyham. Magoc ayob daôm bu lêtôm tap mac sa whiñ dom.

² Dahôc asidôwai si ñawapac dawhiñ ñac, ma ñalêñ dinañ yac oc dakôm Kilisi ndê yomsu atac whiñ asidôwai-nga ñandô sa.

³ Bu asa naŋ toc dau sa bu iŋ ŋamalac tiwaê hôc gêlêc ndê asidôwai su, naŋ kêsau dau. Iŋ ŋamalac waêm̄ba.

⁴ Anem dôhôn daôm nem lêŋ pi asidôwai ŋatô si lêŋ tu bu apo daôm sa-ŋga dom. Mba. Mac tigen-tigen akôm gwelen bocke naŋ Anötö kêŋ sip mac amam, naŋ ŋapep eŋ, dec oc ti mac nem ŋahu apo daôm sa-ŋga.

⁵ Bu Anötö gic sam gwelen ti sakiŋ tidau-tidau têŋ yac tigen-tigen bu dawêkaiŋ, ma bocdinaŋ dakôc sa tôm ndi, ma dakôm ŋapep.

⁶ Asa naŋ bu ndöc ŋamalac dan ŋapu tu êndôhôn Anötö ndê yom-ŋga, naŋ goc êmwasiŋ iŋ ndê kêdôhônwaga dau ŋa gêŋ ŋayham-ŋayham ŋatô ndic ŋawaê.

Anötö oc kêŋ ŋagêyô têŋ lau êŋkuc ŋac si mêtê têtêŋ

⁷ Akôc gauc ŋapep pi yom dindec. Mac atôm dom bu aŋsau Anötö ma asiŋ gêŋ dan têŋ iŋ. Mba! Bu gêŋ ŋandô naŋ datap sa yêc yac neŋ ôm, naŋ kêkuc gêŋ ŋawhê naŋ dasô muŋ.

⁸ Am bu kôm mêtê êŋkuc lêŋ ŋalôm akwa-ŋga, naŋ gitôm am sô gêŋ ŋawhê sac yêc ôm, ma am oc tap ŋandô sac sa. Am oc niŋam tu ŋalôm akwa-ŋga. Magoc am bu kôm mêtê êŋkuc ŋalau Dabuŋ ndê atac whiŋ, naŋ gitôm am sô gêŋ ŋawhê ŋayham. Ma am oc tap ŋandô ŋayham sa bocdec bu, ŋalau dau oc kêŋ am ndöc tamli ŋapan.

⁹ Yac dakôm mêtê ŋayham dasiŋ su, ma lic ŋakam dom. Yac bu dahu siŋ dom, dec oc datap ŋandô ŋayham sa tôm ŋandoc.

10 Tu dinaŋ-ŋga tēm hoŋ naŋ Anötö kêŋ tēŋ yac, naŋ dakôm mêtê ŋayham tēŋ lau hoŋ. Ma dakôm hôc gêlêc tēŋ lau sêkêŋ whiŋ Kilisi-ŋga.

Yac datiwakuc iŋ gêŋ atu

11 Alic yom ŋalhô atu-tu dindec naŋ aö daun aman gato tēŋ mac.

12 Lau naŋ sêkac mac bu asôc yomsu sêsê ŋamlic-ŋga ŋapu, naŋ sêkôm gêŋ dau ŋahu bu sêtec bu sêtap kisa sa tu Kilisi ndê a gicso-ŋga. Ŋac atac whiŋ bu lau Israel-ŋga naŋ sêkêŋ whiŋ Kilisi dom, naŋ sêlic ŋac ŋayham.

13 Bu ŋac lau dau sêsôc yomsu sêsê ŋamlic-ŋga ŋapu su, magoc ŋac sêŋkuc Anötö ndê yomsu ŋatô hoŋ dom. Ŋac sêkac mac bu aŋkuc yomsu sêsê ŋamlic-ŋga, tu bu sêtoc dau sa pi gêŋ naŋ sêkôm tēŋ mac nem ŋamlic-ŋga ŋambwa.

14 Magoc aö oc watoc daun sa pi gêŋ tigen, naŋ gêŋ atu naŋ Pômdau Yisu Kilisi kôm tēŋ ndoc iŋ mbac ndu pi a gicso dau. Bu gêŋ dau gêm aö sa bu wahu mêtê ti lêŋ nom-ŋga hoŋ siŋ, tôm aö gac pi a gicso gi. Ma ŋalêŋ dinaŋ tôm aö daun gambac ndu pi a gicso dau gawhiŋ.

15 Mac lau naŋ sêsê mac nem ŋamlic ŋatô su, ma mac lau naŋ sêsê mac dom, aŋyalê bu gêŋ dau iŋ gêŋ ŋambwa. Gêŋ atu tigen bocdec yêc, naŋ bu dati lau wakuc tu Yisu Kilisi-ŋga.

16 Pômdau ndê yom malô ti tawalô tēŋ mac hoŋ naŋ aŋkuc ŋagôliŋ wakuc dindec. Mac atôm Anötö ndê lau Israel-ŋga wakuc.

17 Aö gatec bu ŋamalac daŋ kêŋ ŋawapac tēŋ aö pi yom kaiŋ dindec tiyham. Lau sic aö ma sêkêŋ gôc

daêsam têŋ aö tu kakuc Yisu-ŋga, naŋ whê aö sa bu
iŋ ndê ŋgac akiŋ.

¹⁸ O aneŋ asidôwai. Mwasinŋ akêŋ yac neŋ
Pômdau Yisu Kilisi puc mac gatôm dôŋ. Yomandô.

Anötö ndê Yom Lê̄̄sê̄̄m Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7